



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 二〇三

恕谷後集十三卷 李 堪 撰

一

傳家寶初集八卷首一卷二集八卷三集八卷四集八卷

(傳家寶初集八卷首一卷二集八卷) 石成金 撰

一四一

恕谷後集序

宋明之學失古而詞章亦變韓昌黎
涯周誥殷盤詰屈聲牙易奇而法詩正而葩宋人則曰文
當如菽粟布帛人人可曉遂梵語鄉談群萃經傳易不奇
詩不葩文指渾深聲牙者曰不可近而古法幾亡矣恕谷
李先生躬承顏習齋先生學道之傳心性則臨深履薄身
世則言規行矩而通天察地荷聖苞賢劇旁九達千變億
化巨人智士無以盡其端委也而文即如之天霽日怙雷
轟海嘯咳唾成風雨儼忽幻鬼神六花八陣奇正分合關
亂不亂噫至矣大興王崑繩曰恕谷之註經超軼漢宋連
篇片語皆古文也河南李主事汝懋曰吾遍閱閩人集錢

恕谷後集

序

牧齋吳梅村猶是宋明遺習汪茗文弱侯朝宗亦涉摩擬
方靈皐練或傷氣王崑繩王奇變而乃有唐陳若夫淵源
聖經旁羅百氏雄渫與化不名一家其恕谷後集乎知言
哉鎬從遊久頗得聞之乃檢錄傳書序記碑版諸著列爲
十卷恕谷者先生自名其里也後集者自康熙癸未以前
做歐蘇諸大家先生俱置之而惟存其後焉者也
雍正四年丙午正陽月吉旦樊輿門人閻鎬頓首拜識

恕谷後集



李恕谷先生遺像

遺像

此先生遊秦王孫裔所寫遺像也敬摹於此時先生
有命孫裔作小照札即可爲贊已梓恕谷後集



恕谷後集目錄

卷一

送黃宗夏南歸爲其尊翁六十壽序

送都憲石門吳公請假歸里序

漆天集序

劉氏家譜序

警心編序

獻陵彭太君輓詩序

楊侯初度序

贈黎生序

送張少文序

恕谷後集

目錄

鄭太夫人壽序

贈鍾生序

送韓皋閣序

卷二

孫氏詩鉢序

張老圃詩集序

送古季子西歸序

贈張額門序

惲氏族譜序

賀陳府葵鄉試副榜序

賀趙偉業中舉入序

黃氏家譜序

閩戶部詩集序

送楊寶貴貴州布政序

贈衛水劉生序

贈張可玉序

贈王子宗沐之任成都令序

卷三

記杜紫峯傳青主軼事

素景園記

重修杜家莊寺記

甲午如京記事

恕谷後集

目錄

劉氏祠堂記

重修道州學宮記

忠恕堂記

記王草堂語

記李氏翁媼已事

卷四

復王豐川書

上毛河右書

與方靈臯書

復黃宗夏書

答馬振天書

復程啓生書

附程書

與王崑繩論易書

與朱可亭書

與蘭行上書

答王希存書

卷五

與王崑繩書

與張子廟觀聚園觀有功書

與楊慎修書

與來儼若書

恕谷後集

目錄

上太倉相公書

與溫載酒書

復惲卓聞書

與張解元書

復惲卓聞心銘書

復惲卓聞書

給陳秉之學使書

復蔡瑞賓書

卷六

馮先生傳

馮君傳

李贈翁傳

彭山人傳

郭孝婦傳

李氏傳

魏烈婦傳

王子傳

萬季野小傳

吳姬傳

郭令小傳

郭御史傳

王孫裔小傳

恕谷後集

目錄

馮劉二翁合傳

張太翁傳

龐魏氏傳

卷七

內丘縣教諭李君墓志銘

閻公易庵墓志銘

趙室蔣薦人墓志銘

崔君聞遠墓志銘

委攝四川縣令陳君墓志銘

劉君來獻墓志銘

田室趙氏墓志

戴氏先塋碣銘

可母岳氏墓碣銘

劉君化吾墓表

劉節婦岳氏墓表

彭蘊秀墓表

六貞居士墓表

卷八

玉峯太翁挽辭

劉君遺惠辭

挽方母吳太君辭

顯妣馬太君行述

恕谷後集

目錄

長子習仁行狀

附哀辭

附傳

卷九

孔子贊

先孝慈像贊

與周崑來王子丕求小照札

養生論

父子有親論

論古文尚書

陳法論

五

見百字說

樂說

豚彘說

書明劉戶郎墓表後

書貞靖先生傳後

書韓子原道後

書方靈臯一節

題寧國府志

堅志

悼亡賦

公舉麗魏氏呈

恕谷後集

目錄

九日鄖城聯句序

卷十

富平贈言

留別長安諸子

示素存承言

答三弟問

答長舉問

六

續刻卷十一

給鄭子書

復憚臯聞書

教子文

教子文

人說

擊磬

葉

啟賢

趙勺龔太安人八十壽序

孫生日記序

恕谷後集

目錄

七

士喪禮就直序

詩經傳註題辭

論詩一則

邱柏舟

扶杜

皇矣六章

執競

護序

閔予小子

卷十二

春秋傳註序

元年春王正月

考仲子之宮

伐楚盟召陵

九月公至自會

宋公茲父卒

及晉處父盟

公四不視朔

鄭公子歸生弑其君

戰鞏

宋華元奔歸

作三軍

恕谷後集

目錄

八

楚殺其大夫公子追舒

仲孫羯如晉

蔡陳歸國

公侵鄭

得寶玉大弓

公會齊侯于夾谷

公圍成

懿長先生謚文

弓辭其紀畧

原道

清代詩文集彙編

卷十三

觀察黃公傳

雙齋文集序

醒葬文集序

附劉調贊所作道傳祠記

論宋人白晝靜坐

論宋人分體用

與長舉言顧諟明命之功

與樞天論讀書

李以傳

戴景惠先生墓表

恕谷後集

目錄

衡水杜氏世德記

李子恕谷墓志

楊公生傳

九

恕谷後集卷一

蠡吾

門人馮辰

送黃宗夏南歸為其尊翁六十壽序

黃子宗夏歛人居於吳游京師聞予友王崑繩稱予學因

與予交予之學益得諸顏習叁先生乃舉先生之學相示

宗夏慨然曰人不作聖非人矣於是悉剝後學浮文求禮

樂倫物之實日有所習時有所勸傲予立日語以自考而

其學大進予嘗以為漢唐以上氣運盛於北其為生詰人

以荷斯道之統者堯舜禹湯文武周公孔子皆行禮奏樂

先華宇富立道垂範以為民極下逮漢唐寢微而董仲舒

恕谷後集

卷一

一

賈誼鄭康成韓愈諸人猶傳述禮樂制度遺籍無異說宋

明而下天地氣移而南張程後有朱晦庵陸象山王陽明

各樹門幟著書立說鼓動一世子聖經外益以無極主靜

致良知等名六七百年相從而靡不曰宗朱則曰宗王徒

與日盛況蓋于天下且夫古之所為道禮樂文物體諸身

而措諸世為天地建實功為民物樹實業豈徒講之口筆

之書玩弄心性含咀章句輕禮樂名物使二氏之空幻俗

學之浮靡窺入其中人材日萎氣運日消雖猶然自附于

古聖賢而一如泰西之暗移而不覺於戲此天運聖道古

今升降出入之大闢也癸未宗夏將歸為其椿堂復庵翁

稱六十之觴求言於予予告之曰天地之道極則必返實

六

之極必趨于虛虛之極必歸於實當其實之盛而將衰也
江准迤北聖賢接踵而老聃列禦寇之派已潛發其間為
空虛之祖今之虛學可謂盛矣盛極將衰則轉而返之實
者其人不北或即在南今子之學如此使歸而振
作于南共明斯道以相勉有成將天運聖道自此反虛而
實而先舜孔孟之學復行于天下庶有望予且吾聞後唐
翁伏義好學急友朋不避患難嘗自屈其年從劉繼莊先
生遊固非世之尙虛學者所可比宗夏淵源有自從此立
德立功立言以不朽其身者壽其親道統大於是哉

王或庵曰聖謚直追思孟開舉世不敢開之口道統學
術所關非小而文字全是秦漢章法宋人烏能望見藩

恕谷後集

卷一

二

垣孔子謂人文化成天下其在斯乎予近從顏習竺先
生游益知恕谷學之有本而恨相見之晚更以宗夏未
一領其言論風旨為可憾也

此王崑繩先生改本也先生初學八大家崑繩過會學
言當宗秦漢章法訂此先生後謂唐宋不如秦漢秦漢
不如六經於是文法一宗聖經題曰後集

送都憲石門吳公請假歸里序

康熙四十有五年都御史石門吳公以疾乞假旋里先公
卿引疾者率不許至是知公貧且誠也許之李子五月於
草莽間北入京拜別國初定鼎大臣尚已二三十年來
首推魏敏果公象樞敏果學宋儒自居板肅無赫赫技績
顧以為首也何哉竊聞其樂善下士海內儒流孫徵君李
中孚張仲誠等雖高隱不出皆上聞數十年廟堂方面
其落落如晨星以摅狂國是澍濡蒼黎者如湯荆峴郭華
野許西山于清端陸稼書邵子昆皆敏果所拔茅茹而榮
及之者也數十年氣運謂非其所幹旋不得矣孔子稱及
門曰吾得出惡言不入於耳緒也能仁商也不險而獨於

恕谷後集

卷一

三

顏淵曰自吾得回而門人日益親是七十子三千人皆淵
包貫之也為王佐可矣故問邦而孔子以四代禮樂付之
蕭何鄧禹李善長技能不必踰羣英而以薦賢調和諸將
遂為漢明元勳蓋自古大臣咸如此石門吳公則殊所親
炙者位躋九列無負郭百畝之田嘗扈駕南還白返侍
過幾離禍九江謀移關塞外夷人請隙地樹公皆力駁之
風裁侃侃然而獨折節下天下士胖軀偉幹見一材一藝
輒僂僂笑語接之惟恐後聞某有道術必識其里氏不以
學與能窮人尋尺兼茹而待之復稱其最人人謂厚已也
丁丑年因湖州宋豫菴晤珠見關史郊視曰治平正鶴也
系敗鈔存庚辰延予榻其府語其羣從以五禮律呂九章

語學辛已復下榻予病公日退朝親檢理食藥月餘適起
偕徐果亭少宰爲予梓大學辨業是時冉永光寶敘修二
太史尚在館萬季瑩王崑繩胡咄明亦寓都門公時聚予
五六人論學指日乾坤賴此柱礎也嘗乙夜爲談談寢區
政事予因歷及古今升降民物安危學術明昧之所以然
以及太極河圖洛書經史之真僞屯田水利天文地理兵
農禮樂之措置公爲之躊躇抵掌而起獨是斂呆值勘定
三藩後象政方需人以故薦剡多起用今中外恬熙朝
無軼事公雖御屋太息慨然欲見一奇而腹果進食無寧
胎息而公亦積勞引疾以去我瞻四方而迴望魏關得毋
有拳然弗釋者乎前辛巳冬宋豫荅屬予曰吳公吾鄉賢
恕谷後集

卷一序

四

者也龍亢返潛詎善始而不善終爲先生其辭焉公聞之
稱是今茲歸也可謂進退以道矣

張雲門曰石門相才鈞度文以賓主掩映淋漓寫出如
見與之促膝上下者心注目營人文千古

漆天集序

東鄉樂塊然自名其集曰漆天示予覽之如夜深風雨
怒鬼搏人猿啼鶴唳毛髮皆豎漆天風景一何奇也雖然
日月履天而光照山河羅地而秀發人物資正而衣冠禮
樂燦列終古常見之弗奇也一思之何以有此奇抑至矣
然則不漆之天塊然遊之又何似耶塊然曰吾更有說吾
心天也漆者發之也嗟乎進乎技矣特一以爲玄化一以
爲閭然塊然將何從

溫益修曰如披中論太元

陳子章曰文心高古

樂塊然曰塊然漆天自爲至也今更得一不漆之天矣

恕谷後集

卷一序

五

至文之理日月經天也而其奇變乃如羅浮雙峯以風
雨爲離合烟波宵宵者

劉子來獻丐其太翁墓表且出其所著家譜曰此小子承
承父命者也願弁一言周禮所太宰以九兩繫邦國五曰宗
以族得民謂天子諸侯分殊族人不得以其戚戚君乃以
君弟稱別子者爲大宗以收族如周武王封周公於魯爲
大宗而衛蔡曹滕諸國皆宗之滕文公公山不狃稱魯爲
宗國是也魯莊公立母弟季友爲大宗當時稱季氏爲宗
卿是也因之宗立而族收如三桓有季孫孟孫叔孫三族
季皆得收之鄭之七穆共穆氏而罕氏駟氏良氏游
氏豐氏印氏七族子罕皆得收之自封建廢而爵如諸侯
大夫不世傳族人得以戚次子不必貴而大宗不可立適
恕公後集 卷一 序 六

恕谷後集

德而茫無以應或禱煩黷而止嗟乎不幾以苗裔而視其先如路人任其姻消草莽渺無憶念哉予觀劉子家譜三世祖昶領鄉薦世濟其德至高祖鑑以進士爲名臣考冲善能持家極臨辛諄囑其子以繼述而劉子承之是豈其祖父之賢而劉子自不能泯耶抑有劉子之賢而祖父乃愈彰耶劉子問禮甚悉携子冠昏祭士相見諸書去鈔閱吾知其事四親構公祠訂祭羹餼置助族田立族約凡可以殫先教睦而登之譜者其未有艾也已

恕谷後集

卷二

七

警心編序

予自弱冠承父師志編日譜考身心得失獨不樂觀感應
篇諸書謂其言頗荒唐且以微福之心爲善望惡已屬私
欲也訖後讀雅詩有云豈弟君子千祿豈弟又曰求福不
回乃知福祿自天古人亦有言求者然宜以豈弟不以回
明載聖經戊寅歲予年四十寓桐鄉署冬月始立長子嘗
立子前數年日夜懸結不去懷見販夫傭保携孩童過瞿
然念其德行必勝我自弱冠志學遇勘惟戊寅年功頗密
聞公庭呼聲心若割主人來談催科刑名必語以寬大
日三復小心翼昭事上帝之句夜臥不莊輒悚然而歛
股嘗夢雜亂方及半遽驚曰茲不敬矣遂寤生平竊傲深
恕谷後集 卷一序 八

自懲遇一微蟲動避而行或如廁踐一生草藪然起當
是時微倖禍福心未嘗敢存而但覺實有神明來伺懔懔
然以知貧賤憂戚天之視人者不淺也今歲癸未季秋抵
京師廷尉二兄延榻其齋出其大父陸沉子翠飛農集父
詰生公警心編再三揚推謀開離以問世於戲人一登責
顯走聲勢無寧暑安有餘力念及祖父嘉言行而表而彰
之者哉廷尉可謂加人數等矣因取警心編讀之勸善誠
燭照著決而事涉荒誕者率不載益知人之冀倖之
可有而警惕之心不可無予自返雖無惡念而相忽
迴端媚集湯盤之銘日日日新文王之詩日緝熙敬
止緝績績也熙和也言心安於敬而無息也吾心敬者暫

而或躁而不安或忘而如遺晝披是編丙夜內省輾轉而
屏營若我嚴父明師之來責也噫警心之名不虛矣
禮山兄日寫泰前倚衡光景如畫而文情奇與變化根
本六經

恕谷後集

卷一序

九

獻陵彭太君鏡詩序

獻邑漢獻王所居也王博古作樂記成帝時王禹獻二十四卷劉向校書得二十三篇後又遺十二篇餘合為一篇入于禮記六經惟樂亡後學賴獻王此作得摩挲乃自漢後數千年而獻邑文章寥寥矣明季五公王先生以五世相韓之感與捷伐閭寇之師及既釋兵河間太守王千峰迎至修府志遂僑寓獻城而其昔年之涕號故宮九頓首而坐者未嘗一飯亡也困一寓之于詩迄卒門人李與祖梓之而獻邑乃更有五公詩集行世今其邑彭子漢性篤孝葬母張太君哀禮有加四方知名士爭來弔輓遂哀為一集開雕問世丐序于予博陵顏習堃先生崛起力周

恕谷後集

卷一序

孔正學聞而是之往從遊一日見堃吟詩曰今之詩非古之詩也古詩即樂章也今流為雕蟲小技玩物喪志為聖道之蠹自此不復專攻而何能序次輒言已思孔子訓詩干興觀羣怨後曰邇事父遠事君詩之大旨不具于是乎五公先生之集懷君也彭子所集之輓章念親也上追四始而風渢乎可被絃歌與樂記並傳不亦宜乎獻陵文光先後輝映亦可不朽矣乃為之序

楊侯初度序

史遷傳吏以循循者壽道也即孔子善人為邦百年之說也善故循循然庖丁之解牛廣成之長生孫敖國僑相人國漆園言無為而為天下皆循循然也循循然則壽身矣壽世矣如富邑閭山楊侯非其人歟侯少壯出宰未嘗事祿年也而其治也迺以仁壽雖公負備抱壽一時壽萬世豈繁一邑而邑民不能議矣今莫春之念八日為公攬揆履予不能諫因件繁實政于後俾邑人一讀一上壽焉公甫下車忽當事採買御奏公力陳非舊例且富麥畝劣不可以供太厨事已富邑冒賄贖業耗產公立更捕法獲傳徒枷責令其別捕方釋由是轉捕治寂然無呼盧聲邑好閩米鹽口角揮拳相加後且僞儻結黨立採花諸名此陀睚眦則率衆刃殺和攻擊甚至會集掠淫婦女公至訪其魁立寘之刑又立法凡相鬪重責先動手者乃理曲宜惡黨解散俗輕生男婦幾微飲恨輒難經投井報縣佐就檢驗育隸追呼屍親亦乘機抄略破家者相望侯出示厲禁鄉地報即刻親驗無傷立令掩瘞由是民安業而愚夫悍婦亦知輕生無益也全活無數侯敏于聽斷到任大開陳告日百餘紙不厭也昧爽坐堂皇質鞠三餐皆于堂積年疑訟數語即得其秘要難受刑

恕谷後集

卷一序

者。踰下亦歡呼曰。吾君責我當半年後民冤盡洗乃禁告。許教和睦而鄰封百姓噴噴傳語曰。富有神君或假稱富民來告或告上憲輒跪求日願批富邑楊公。

邑賦歷年至歲底通萬餘侯至減去火耗有收書作蠹立費柳完者資紅酒令不完者斟而跪。祇又立飛票法令里長開花戶甲乙欠若干持付限日完糧。繳票不如限者責民不苦隸呼而遵限則已名莫御里正亦不得以代封爲辭肥已累跡爭輸通賦領清。買辦令各行戶當堂投領諭曰。遲與與早與用吾財一也。而先與則汝等獲利因發銀行戶爲資本取物抵銷行戶口碑如雷。

怨谷後集

卷一序

士

邑舊有現役四十里輪年應供張及過往雜費侯以累民將革之。閩縣曰不可公費有不能去者。今十年一次不甚苦若去之我侯清約固善後官不能必復歛民歛民而無當年分應者必至閩邑擾動更害矣。侯籌躇再四日姑緩之。然吾不去之猶去也。署中床几諸物皆自買置。賓客至自供。給七月卸堂來祭魏文帝陵約費數百金解囊以辦不絲豪責之民也。

下車接五六命案未結公再三研訊持丹筆歛歛生死兩無怨負邑風有黨張二姓結嫌一日糾衆鬧堂乘夜將番死之侄昇張家云伊毆死鳴官雖張亦莫知黨姓之死所由來也。侯至密訪死者實過嗣仵氏子因喚仵氏親族詢

之乃言死者係其黨姓叔與張毆自誤傷之因陷張飲食之令伏署內拘黨姓造謀者鞠訊不招哭出仵氏人質之黨姓大驚莫能辯疑冤頓雪。侯知富民數獲日刑亂國用重典不得已也。然每聽訟真情既匪卽百計爲之出脫諄切勸諭令其改化放嚴而不刻民無怨譟。

邑習學刀筆書吏往往能上下手侯選材幹用之而時體察有奸弊立責不以知皂刷追捕無敢勒擾多事者一時有民生春風吏行冰案之誼。

富邑結姻後往往往婿家貧女家遂別訂侯厲禁之嘗自出金帛令原婿當堂交拜成夫婦而去惡俗頓革。

怨谷後集

卷一序

三

富邑鬻賣宅產膏數十年後復告補價追賙侯一概斥退刁俗亦革。侯待紳士握手道歡脫去形跡而閩說則一無所假也。觀風課士立義學有才者拊摩務成就之如子弟然。富邑東北流曲美原一帶連山亘壤接蒲城耀州民多積悍前遇官呼嘗途切通莫誰何侯至效西人裝市快鞋布行腰纏腿潛步出訪情偽由是民時相駭告曰我君來矣。凡燒鍋屠牛以及教唆窩賭或飲跡或竄逃市井一清。侯親民疾苦輒憂形于色八月縣右雨雹侯聞立踏看民。曉言災狀侯爲之垂淚或曰災可伍分且儘里許侯曰一里非民田乎五分之災非災乎爲之緩征借粟。

孟秋旱候齊戒徒疏騰城隱願降禍于身以代民災備極誠潔三日雨降

臘月中浣侯密訪美原鎮奸民楊欽之黃鼓本縣及白水蒲城等處人民散偽劉安言已經年乃昧首佩道領捕役合城守備率馬步哭至其鄉擒欽之并黨羽數十人驗割無謂者置之鞠供通水西謀逆有時日并振各處官吏侯概不深究自監縲解秦省先是督撫聞報甚驚已奏聞及見督院殷公問故曰已擒末小事耳殷公色變曰謀逆小事乎侯徐曰驗其符印或以圖章碎填此豈謀大變者耶不過愚民欺人斗粟貫錢耳詠渠釋從以聞足矣殷公色露曰汝言是遂輕其獄已而各州縣于富民僑寓者盡解

恕谷後集

卷一序

十四

至侯則其失棄各予一無事文書令四又將未獲奸民數人繪親呈督撫發各州縣如親緝非是勿問是役也變定于俄頃未嘗挂一良民化大事為小殷公亟稱許賞以錦袍令家人負漚酪送至東郊跪而進及陞兄亦力言富平僑祠事係饑民誑食非有他故因薦公仁政雄才奈省有司第一

邑監生張吾抱大理寺少卿張冲翼子也卒後惟遺一側王氏生遺腹子今甫五歲僕韓忠盡泚經紀之族人誦吞其產訟忠侯廉知狀斥退族衆旋飾婦張僕各一扁族點者私裝曰彼僥財訟安得不勝乎已而節婦家來謝觀厚儀皆骨董可珍者也侯嚴却之日吾旌節義乃以判來予

聽者聞知大愧曰我侯不通苞苴一至于此我小人矣議何忍復出口也

為政有實事有虛神如侯之戒賭開勸善薄賦恤刑愛才苞苴不通實政也至其精銳果毅敏如轉環仁心仁言沁人肺腑將俾俗一旦剴然改觀休心刮目故錢穀不費棘村而樂輸刑名不待嚴酷而群畏且舉古人公案舊神明事輒轉相傳告播于外省都門此虛神也所謂不令而行者也

恕谷後集

卷一序

五

侯曰此足以為政哉嘗理亂絲吾先解其糾纏而已非理根而疏委也富邑約千村未有籍鄉約練長或有或無吾將比黨里數鄉兵立鄉約以宣教化息訟訐立練長以聯什伍萬統千千統百使民安俗靖富民不知蓋藏吾將布農桑法親帥民耕作節儉富民未知禮讓吾將養老尊賢旌孝弟節義黜異端富田無魚鱗冊可互為奸吾將用近丈法令經理井然富丁役不均吾將均之富有害門孫妻二里田硯民貧吾將相山原而教之桑蠶輕其民賦富有沉曲文昌諸渠湮塞吾將剗高下量民力興挑濬制版鍊富秀民工章句然周孔之道未講吾將延名儒傳德行道藝諸學而承匱乏自容歲六月或不遑為或引端未竟何日以慰吾民哉

知其不可也。其虛懷樂善。蓋有本矣。侯自勿讀書。慕奇節。以為慷慨建功。素封侯。廟食非異人。任故欲堅立。以無負士民者。皆一時百世之事。非一身一家之謀也。

梁質人曰。簡勁古奧。漢以前文字。至叔政。蹟獎其已能。勉其未至。我思古人。實獲我心矣。

恕谷後集

卷一序

六

贈黎生序

已丑六月。抵長安。陳尙平張潛夫蔡瑞生聞。顏先生之學。來問驛。相得也。已而寄信其友人黎生。長舉自鎮原千里。來予富平。寓氣度端凝。志向不凡。扼本趨諸禮樂。兵農諸學。予曰。善。然學。勿驚。廣禮其務哉。亦諸學之綱也。因請禮。予曰。禮一而分。有四。有心。禮致中。齊明是也。有身。禮非禮。勿視聽言動是也。有隨時而行之禮。冠昏喪祭。士相見是也。有待用而行之禮。朝廟官府軍。焉是也。吾子其教以存心。飭身。凡事入矩。因漸而考。冠皆以及致用。諸禮其庶矣。嗟乎。聖道之沉淪也。甚矣哉。委棄者。躍進不顧。自謂仔肩者。又或以朝代。挑我顏先生起而指示之。似道術世運有想。後集。卷一序。開必先而繼起。對人未卜。何似古云。中流失。船一壺千金。此千金之時也。而得泄哉。雖然。不可以無驗也。吾子果爲此學。而耳目聰而目。日明而心思。日睿而天理日熟。而世故人情。日悉。則用力之極也。不然。則否。雖欲顧預自大。不可得已。生歸。過長安。語蔡張諸子。以爲何如。楊岡山曰。言則爲律文。乃如經。